

Tito

1 1-2Pau²lah³lo²na¹xai²na² ũ³wha²li¹le¹nxa²ha¹wa². Txa²wā¹sū³na² wān³txa² a²wa³ka³li³lot3sxā³ yxau²xai³jah¹lo²sa¹wa². Je³su² Kris²-tu³jah¹lai²li² i³sa²si¹hā³ũ¹sa²jah¹lo²sa¹wa². Je³su² Kris²tu³jah¹lai²na² wān³txai³tā² i³hen³txi³si¹ha¹jau³su² i³sa²si¹hā³ũ¹sa³na²hē³la². Nxe³sa³ha²-kxai³ Txa²wā¹sū³na² sa²kxai³lu² ki³ha¹kxi² e³nē³jah¹lo²sxa³jah¹la² a²nū²a² i²sxā³ ā³yū³so¹te²a² yxo²ha³kxa¹ i³nxū²kwai³lxū¹txi³te³lhxā³ nxa¹wa².

—~Txa²wā¹sū³na² yxo²i²ā³yah³lxi³txa³hē¹li¹. Ain¹si¹ha¹jau³su² nxe³na¹wa². Te²yā¹nxe³sxā³ wān³txa² ya²la³lyau³xa² yxo²i²ki³jau³xai²li² sa²yxō²we¹ki³-kxai²nān²tu³, wi¹lhin¹sxā³ yxau³hī³ki³tā³la². Te²yā¹nxe³sxā³ kxān³nāu³a² kxan²ti³ ka³ten³su² yxau³ki³tu¹wa². Nxe³jau³xai²li² kxā³nxān¹jau³xai³ta³-lxa²na³la². 3Nxe³sxā³ hī¹na² ha³lo²a² ā³nhau³ko³tha²kxai³ Txa²wā¹sū³na² wān³txa² wi¹jau³xa² i³hen³txi³sa³na²hē³la². Txa²wā¹sū³nai²li² txa²wā¹ē¹-nāu³ai²na² sa²wa²su¹jah¹lai²li² kwa³na³sa³na²hē³la². Kwa³na³sa²te³nah¹lxi¹:

—~A²nū²a² yxo²ha³kxa¹ txa²wān³txa² wi¹jau³xa² i³yau¹ũ³txai¹nhē³li¹. Nxe³sa²jau³su² ha²kxai³ nxe² o²la³kxi²na¹wa².

4 Jā¹nxe³jut3su² Ti²to³jah¹lo²si¹nha²kxai³ ain³kxi¹sē¹la². Txa²wā¹-sū³na² wān³txa² yxo²i²a¹jau³xa² yxo²i²nū³nī¹nha²kxai³ txa²wē³si¹lxa². Nxe³ha²kxai³ Txa²wā¹sū³na² Si³yxau³jah¹la² Txa²wā¹wi³nu²su² ha²kxai³ Je³su² Kris²tu³jah¹la² txa²wā¹ē¹nāu³ai²na² sa²wa²su¹tē³jah¹lo²su² ha²kxai³ nxe³ya³sxā³ kāin² thāi³ti³la² a³lxi¹nx2ti³si¹hi² wxa²nxū²kwai³nāu³a² ā³-nhāu²no³txa³lxi³si¹hi² nxe³nx2ti³si¹ha¹jau³su² ten³sa³nha²wa².

Kre²ta²ko³nāu³a² Ti²to³jah¹la² a²wa³ka³li³yut3su²

5 Nxa²ha¹te¹ Kre²ta²ko³xa² a³li³a¹hī¹nai³tā² ā³nxa²ha¹tai¹ti²tu³wa². Yxo²-i²tū³ka³txi³nāu³xa² sxi²jen³nāu³xa² yxo²ha³kxa¹ i³nxū²kwai³lxū¹txi³te³lhxā³ sa²hau³ko³tai¹nha²kxai³ a²hxi²kan¹ti³su² te²a² i²sxā³ i³so¹xai¹si¹nxa²ha¹jau³su² kwa³na³nxa²ha¹tai¹ti²tu³wa². A²hxi²kan¹te²a² wain³txi³ i²sxā³ i³so¹xai¹nin¹ju³tai²li² i³yau¹ũ³nxa²ha¹tai¹ti²tu³wa². 6 A²nxe³jah¹la² kwēn²tai¹na¹ a²hxi²kan¹ti³su² ki³ju³ta² ā³si³wxe³te³lhxā³ nxe³te²na² sa²kxai³lu² nxe²hī³nx2na³la². Nxe³te³nah¹lxi¹ a²wi¹-lhīn¹ju³ta² kāin² yū³ha²kxai³ a²nū²a² ā³xa² i²li³te²a² hxi²kan¹ti³ ko³nxe³te²lo³jau³su² yū³hī³nx2nxa³wa². A²sxe³xa² ka³na³ka³na³te²a² yū³hī³nx2na³la². A²wē³ha³-lxa² sa²kxai³lu² Txa²wā¹sū³na² wān³txa² yxo²i²ain¹nū³nhī³nx2na³la². Hai³txi³

ko³nxe³ti³ kai³ju³ta² yū²nxa³ha²kxai³ a²wi³na² a²hā³ka³na² nxe³sxā³ sa²yo²ā³ai¹-
nxa³ha²kxai³ hxi²kan¹txi³ ko³nxe³ti³ i³ye³ i³yo²nū¹nai¹nhī³nx2nxa³wa².

7 A²nxe³jah¹la²kxai³lu² wi¹lhin¹ju³ta² kâin² yū³ha²kxai³ a²nū²a² ā³xa²i²li³te²a²
hxi²kan¹ti³ ko³nxe³te²lo³tai¹nxa³lho³la², Txa²wā¹sū³na² wa³ka³li³yu³ta² o²la³kxi²-
ha²kxai³la². Ī³kâin²txi³nha²sxā³i³ye³xa³ha²kxai³ wa³su³txi³i³wā³lo³nxa³ha²kxai³
ūn³jau³xa²i³na²sxā³ we¹nxa³ha²kxai³ nū³kxūn³sxā³ ā³nhe¹kxi²nxa³ha²kxai³
yen³kxa²i³ki³ha²kxi²sxā³ so¹ju³ta² yo²kwain²nxa³ha²kxai³ nxe³ju³ta² whāi²na¹
jah¹lo²kxai³lu² kâi³txa³hē³la². 8 Yxān¹ta¹ a²nū²a² ha³la³ka³lxa³lon³te³lhxā³u²lxi³
wxā³kxai²nān²tu³yain³txa² wi¹lhit1sxā³wā²nhū¹hī³nx2na³la². Wi¹lhin¹ju³ta² so¹lxi³
a³lxi²hī³nx2na³la². Wain³txi³wā²nxū¹hain³nha²sxā³kāi³ha²kxai³wain³ju³ta²so¹lxi³
kâi³ha²kxai³Txa²wā¹sū³na²wān³txa²wi¹lhit1sxā³sa²yo²wet1sa²kxai³nxe³hī³-
nx2na³la². Ko³nxe³ti³kâi³ū¹hain¹kxan²ti³te²yā¹nxe²i³wa²lū³xi²hī³nx2nxa³wa².
9 Txa²wā¹sū³na²wān³txa²ya²la³lyau³xa²sa²yo²we¹thī³nx2na³la². Wān³txa²i³tih³-
nxe³sxā³yo²i²nhī³nx2na³la². Nxe³ha²kxai³wān³txa²wi¹jau³xa²wain³jau³xan²tu³
i³yau¹ū³hī³nx2na³la². Wān³txa²wain³jau³xa²en²te²na²i³kwai²kxi²hī³nx2na³la².

10 Nxe³ha²kxai³a²nū²a²ko³nxe³ti³kâi³te²a²ka³lxa¹txi³yū²na³la². Txa²-
wā¹sū³na²wān³txa²sa²yo²ā³te²a²yū²kwā²toh³lxi²e³ain¹te²a²yū²a²nū²a²
ā³ke³tū¹te²a²yū²nxe³ai¹nhxai²na²hē³la². A²wā³kxi³kxai³Ju³te²a²nū³ka³txi³-
su²ha²kxai³a²wā³kxi³kxai³Ju³te²a²nū³ka³txi³sxa³ha²kxai³ain¹na²hē³la².

11 A²sxi²yhu³ta²whāi²na¹ā³ke³tū¹jau³xai²li²nxe²ain³kxain¹te³nah¹lxi¹:

—~Jau³jau¹xai²li²yo²i²yah³lxin¹jau³xai²li²hai³txi³Txa²wā¹sū³na²wān³-
txi³sxa³wi¹. Yxān¹ta¹e³kxi²sin¹nx2ta¹jau³xai²li²Sū³na²wān³txai²la¹wi¹.
Nxe³jau³xai²li²ā³ke³tū¹jau³xai²li²ain³kxain¹na²hē³la². Nxe²ain³kxai¹nha²-
kxai³Txa²wā¹sū³na²wān³txi³khai³xa²sa²yo²ā³ain¹na²hē³la². Nxe³ha²kxai³
ka³nahx2sxā³yxau³si¹hai¹nīn¹jau³su²kwā³na³txai¹nhe³la². Jā¹nxe³te²nāu³-
xa²i^h1nxe³kxa²yān³ti³tā³ā³ke³tū¹ai¹nhī³te²la¹xā³? Hāi¹sxā³wai³nxa³txi³
ū³yho³hi²txā³nxa²so¹lxi³yo²kwai³nain¹na²hē³la². 12 Jā¹nxe³sxā³Kre²ta²ko³-
xan¹tū³ka³txai²na²a²ha³tih³xa²wān³txa²i³yau¹ū³jah¹lai¹na²wān³txi³kxai³lu¹:

—~Kre²ta²ko³xan¹tū³ka³txa²yo²ha³kxa¹ki³ha³nain¹tū³ka³txi³sin²tai¹.
Ha³ya³khin¹tū³ka³txi³sin²tai¹. U³txi³wa³ko³nha²kxai³hāi¹sxā³yai³nain¹-
te²sin²tai¹. Nxain¹na²hē³la². 13 A²nxe³jau³xai²na²ya²la³lyau³xai²la¹wa².

Nxe³ha²kxai³yo²xūn³txi³i³kwai²kxi²txai¹nhe³la². Nxai¹nīn¹ju³tan¹-
te²kxa³ya³lhu²Txa²wā¹sū³na²wān³txa²yo²i²kāi²no³nain¹tu¹wa².

14 Te²yā¹nxe³sxā³Ju³te²a²wān³txa²tīn³yau³xa²ya²la³lyau³sxa³jau³xa²e³-
ain¹na²hē³la². Nxe³sxā³ya²la³lyau³xa²te³nxa³te²a²wān³txi³kxai³lu¹:

—~Txa²wān³txa²so¹lxi³sa²yo²we¹jah¹lxi³hē³li¹. Nxe³jau³xai²li²ha³ya³kxa²
ain³kxi²si¹hain¹jau³su²e³kxi²txai¹nhe³la², wān³txa²ya²la³lyau³xa²ā³na¹ain¹-
kxa²yān³txi³sa². 15 Jā¹nxe³jut3su²a²nū²a²wi¹lhin¹jah¹la²e¹nāu³ai²na²sa²kxai³lu²
yen³kxa²wi¹te²a²so¹lxi³ten³na³la². Yxān¹ta¹a²nū²a²a²e¹nāu³ai²na²ko³nxe³-
ju³ta²yū³ha²kxai³Txa²wā¹sū³na²wān³txa²yo²i²xa³ha²kxai³nxe³te²su²te²na²
sa²kxai³lu²a²e¹nāu³ai²na²whāi²na¹ko³nxe³ha²kxai³ko³nxe³jau³xa²so¹lxi³ain³-
nha²ha²kxai³nxe²na³la². Nxe³sxā³o²la³kxi²ju³khai³xa²wi¹tā³nxa²wi¹lxa³tā³nxa²

hxi²kan¹txi³ i²nha²nxa³wa². Nxe³te²ju²hē³la². 16 A²nxe³jah¹la² Txa²wā¹sū³na² yxo²i²kī³lxo³nxe³hī³nx2na³la². Yxān¹ta¹ o²la³kxi²ke³su² sa²yxo²ā³ai¹nhī³nx2na³la². Yxo²kwi¹lxo³ju²ta² so¹lxī³ o²la³kxi²hī³nx2na³la². A²ē¹nāu³ai²na² sa²kxai³lu² Txa²wā¹sū³na² wān³txa² sa²yxo²ā³i² nxa¹nhī³nx2na³la². Nxe³ha²kxai³ wi¹lo²la³ki²ju²ta² hxi²ka¹nai¹nhī³nx2na³wa². Nxe³te²ju²hē³la².

Txa²wā¹sū³na² wān³txa² ya²la³lyau³xa² i³yau¹ū³jau³su²

2 1 Nxa²ha¹te¹ tū¹ka³txai²li² ko³nxe³ti³ kái³ain¹na²hē³la². Yxān¹ta¹ wxāi²na² sa²-kxai³lu² te²yā¹nxe³ kái³txa³hē³la². Yxān¹ta¹ Txa²wā¹sū³na² wān³txa² wi¹jau³xa² ya²la³lyau³xan²tu³ wain³txi³ i³hen³txai¹nīn¹kxai³ jā¹nxe³se¹la². 2 Nxe³sxā³ in³txa² yah³lon¹te²su² te²na² sa²kxai³lu² yain³jau³xa² ūn³jau³xa² i³na²sxā³ we¹nxa³ha²kxai³ txa²wā¹o²la³kxi²kī³ju²ta² so¹lxī³ wain³txi³ kái³ai¹nha²kxai³ wain³txi³ ain³nha²sxā³ a²hoh³lxī³su² ha²kxai³ nxe³si¹hai¹nīn¹jau³su² kwa³na³txai¹nhē³la². Te²yā¹nxe³sxā³ Txa²wā¹sū³na² wān³txa² nū³kxūn³txi³ yxo²i²ha²kxai³ a³lxī²waun¹yah³lxin¹ju²ta² ā³yah³lxa³nha²kxai³ khāuh³lxa³txi³nx2tain¹kxan²ti³ Sū³na² wān³txa² kan²txi³ yxo²-i²ah³lxī¹nha²kxai³ nxe³si¹hai¹nīn¹jau³su² kwa³na³txain¹nū³nhē³la². 3 Te²yā¹nxe³sxā³ txu¹ha² a³ka³lxon¹te²na² sa²kxai³lu² wain³txi³ o²la³kxi²ju²ta² so¹lxī³ wā²nxū¹hain³-nha²ha²kxai³ wān³txa² ya²la³lyau³xa² so¹lxī³ e³ha²kxai³ yain³jau³xa² ūn³jau³xa² i³na²sxā³ we¹nxa³ha²kxai³ wān³txa² wi¹jau³xa² i³yau¹ū³nyhu¹ha²kxai³ nxe³si¹hai¹-nīn¹jau³su² kwa³na³txai¹nhē³la². 4 Nxe³sxā³ txu¹hai²na² sa²kxai³lu² txu¹ha² ā³xa² a³ka³lxo¹nxa³te²a² i³tih³nxai¹nhī³nx2na³la². I³tih³nxain¹te³nah¹lxī¹:

—~Wxa²in³txa² a³lxī¹jah³lxī³hē¹ni¹. Wxa²wē³ha³lxa² a³lxī¹jah³lxī³nū³-nhē¹ni¹. 5 A²hoh³lxī³su² wain³txi³ ain³nha¹jah³lxī³hē¹ni¹. A²ē¹nāu³ai²na² ko³nxe³thin¹yah³lxin¹ju²ta² ain³yah³lxī³txa³hē¹ni¹. Sxi²ha² wa³ka³li³yu³ta² wi¹lo²la³kxi² wxa²sxih²yu³ta²na² yxo²ha³kxa¹ ā³non²ta³kxi² wxa²wē³-sāi¹ah³la² sa²yxo²we¹ti² nxe³jah³lxī³hē¹ni¹. Yah³lxin¹kxai²nān²tu³ a²nū²a² i²li³te²a² Txa²wā¹sū³na² wān³txa² ko³nxe³te²lo³te²a² yū²nxa³lho³la².

6 Te²yā¹nxe³sxā³ sa³nxe³la³ku³nāu³xa² e³kxi²txai¹nhē³la². E³kxai¹nīn¹te³nah¹lxī¹:

—~A²hoh³lxī³su² wā²nxū¹hain³nha¹jah³lxī³sān²sxā³ wain³txi³ o²la³kxi¹-jah³lxī³hē¹li¹. Nxe² e³kxi²txai¹nhē³la². 7 Nxa²ha¹te¹ wxāi²kxai³ wān³txa² wi¹jau³xa² so¹lxī³ i³yau¹ū³txa²hē³la². Ko³nxe³jau³la³ i³yau¹ū³txa²hē¹la². Nxe³sxā³ jau¹xa² sa²yxo²we¹tin¹kxai²nān²tu³ a²nū²a² i²li³te²a² kái³in¹ju³-ta² i²nxain¹te²a² wain³txi² o²la³kxin¹kxa² yā¹nxe³sxā³ kái³ain¹nūn³tu¹wa². 8 Nxe³sxā³ wān³txa² ya²la³lyau³xa² wain³jau³xan²tu³ nxe³jau¹xai²na² so¹lxī³ e³txa²hē³la². Nxīn¹kxai²nān²tu³ ko³nxe³ti³ kái³jah¹la² e³kxi²hī³te³nah¹lxī¹:

—~Jah¹lai²li² wain³txi³ e³ha²kxai³ hxi²kan¹txi³ ko³te³kxain¹nxa³-nha²wi¹. Wxa²ko¹kon¹so²kxi¹nxa²jah¹la² nxe² e³hī³nx2na³la². Nxe³sxā³ i³āu²lxī²to³ta¹nhī³nx2na³la².

9 Te²yā¹nxe³sxā³ a²nū²a² wa³ka³li³lot3sxā³ yxau²xai³te²a² nxe² e³kxi¹-txai¹nhē³la². Nxe³ai¹nīn¹te³nah¹lxī¹:

—~Wxa²hxi²kan¹jah¹lai²na² wān³txa² yxo²ha³kxa¹ sa²yxo²we¹jah³lxī³hē¹li¹. Wi¹wa³kon³sxā³ i³wi¹lxo³kxi¹txai¹nhē³li¹. I³kwa¹kxi²sxā³ i³wa²lū³xain¹yah³-

lxi³txa³hē¹li¹. ¹⁰Hāi³a² kâi³kxain¹yah³lxi³txa³hē¹li¹. Wi¹lhin¹ye²ah³lxi¹nha²kxai³Txa²wā¹sū³na² Si³yxau³jah¹la² txa²wā¹ē¹nāu³a² sa²hau³ko³tē³jah¹lai²na² wān³txa²yxō²ha³kxa¹ ain³kxain¹tu¹wi¹. Nxe³nxain¹te³nah¹lxi¹: “Jau¹xai²na² wi¹jau³xai²la¹wi¹. Yxo²i²nūn³ki³tu¹wi¹.” Nxai¹nhī³nx2na³li¹. Jau¹xai²li² nxe³txai¹nhē³la².

¹¹Jā¹nxe³jut3su² Txa²wā¹sū³na² kâin² thâi³ti³la² a³lxi²nē³ju³ta² hī¹na² i³yau¹ū¹nhē³na²hē³la². Nxe³ju³tan¹te²kxa³ya³lhu² a²nū²a² i²li³te²a² yxo²ha³kxa¹ ko³nxe³ti³ kâi³ju³ta² ā³wa²su¹kxi²ju³ta³nū³a² yū²na³la². ¹²A²nxe³jau³xai²li² i³tih³nxe³nē³te³nah¹lxi¹:

—~Kō³nxe³ti³ kâi³sxā³ yxau²xai³kxi³ju³ta² e²nha²kxai³ yen³. kxa² Txa²wā¹sū³na² te³nxa³kxe³su² yxo²kwain³yah³lxi¹nxe³su² e²nha²kxai³ nxe³jah³lxi³hē¹li¹. Wain³txi³ wā²nxū¹hain³nha²sxā³ wi¹lo²la³kxi¹jah³lxi³hē¹li¹. Wain³ju³ta² so¹lxi³ kâi³i² wi¹lhin¹sxā³ yxau²xai³li² nxe³jah³lxi³hē¹li¹. ¹³Nxe³sxā³ kxān³nāu³a¹ Txa²wā¹sū³na² Si³yxau³jah¹la² Je³su² Kris²tu³jah¹la² Txa²wā¹hxi²kan¹ta² Si³yxau³jah¹la² nxe³ya³sxā³ i²ki³ju³ta³nū³a² wah³nxe³jah³lxi³hē¹li¹. Wxi²kin³ti³ton³sxā³ a³ka²nxi²ju³ta³nū³a² wah³nxe³jah³lxi³hē¹li¹. ¹⁴A²nxe³jah¹la² ya³lu²kxi²nē³lha²kxai³ txa²wā¹ko³nxe³ti³ kâi³ki³ju³ta² sa²wa²su¹tū¹nhē³lha²kxai³ txa²wā¹ē¹nāu³ai²na² sa²hxn³kxi²nē³lha²kxai³ nxe³tu¹wi¹. Nxe³sxā³ Je³su²jah³la² a²sa²wi³ha³lxi³te²lo³tē³tu¹wi¹. Nxe³sxā³ wi¹kâi³ju³ta²kxai³lu² ya³lo³txi²sxā³ kâi³ki³tu¹wi¹.

¹⁵A²nxe³jau³xai²li² i³yau¹ū³txai¹nhē³la². Ā³ne³to³hai¹nxa³kxai²nān²tu³ wain³txi³ i³tih³nxe³txai¹nhē³la². A²nū²a² ha³tih³xa² te³nai¹nxa³kxai²nān²tu³ wxi²kan¹sxā³ i³kwai²kxi¹txai¹nhē³la². Wān³txai²li² e³kai¹nīn¹jau³xa² sa²yxō²ā³nxain¹ju³ta² ten³sa²nxa³nha²wa².

Yxo²i²jah¹la² wain³txi³ yxau²xai³kxi³jau³su²

3 ¹Nxa²ha¹te¹ jau¹xai²na² i³yau¹ū³txai¹nhē³la². Wxa²hxi²kan¹ti³nāu³xa² sa²yxō²we¹jah³lxi³hē¹la². Wxi²kan¹ta² Si³yxau³te²nāu³xa² sa²yxō²we¹txain¹nū³nhē³la². Hai³txi³ sa²yxō²ā³ain¹txa³hē¹la². Wa³ka³li³yu³ta² i²li³ju³ta² wain³kxai²nān²tu³ wa³kon³kxi¹jah³lxi³hē¹la². ²A²nū²a² ā³xa² ko³nxe³te²lo³jah³lxi³txa³hē¹la². Ā³nhē¹kxi²nh²yah³lxi³txa³hē¹la². Wi¹lhin¹sxā³ ā³non²ta³kxi¹txai¹yah³lxi³hē¹la². A²nū²a² yxo²ha³kxa¹ thâi³ti³la² wi¹kâi³ū¹txain¹yah³lxi³hē¹la². Jau¹xai²na² yxo²ha³kxa¹ i³yau¹ū¹txai¹nhē³la². ³Jā¹nxe³jut3su² kxā³nhxi¹nai³kxai³ Txa²wā¹sū³na² i²ki³sxa³ha²kxai³ a²wān³tai²li² sa²yxō²ā³ki³sa²kxai³ a²nū²a² i³ki³ha¹kxi²nē³lain¹te²a² sa²yxō²we¹ki³sa²kxai³ nxe³ki³te²jai¹ti²tu³wa². Te²ya¹nxe³sxā³ ko³nxe³thin¹sxā³ o²la³kxi²ju³ta² so¹lxi³ ten³ki³sa²kxai³ a²nū²a² ā³xa² yen³kxa² kâin² yxo²kwain³ki³sa²kxai³ ko³nxe³khaix¹ki³sa²kxai³ i³xan³ta³kxi²nyhu¹ha²kxai³ nxe³ki³te²jai¹ti²tu³wa². Nxe³kxa²yu³su² hxi²kan¹txi³ nūh¹lxi³ sa²hau³ko³ki³sxa³tai¹ti²tu³wa². ⁴Nxe³yān¹ta¹ Txa²wā¹sū³na² sa²kxai³lu² a²ē¹nāu³ai²na² sa²wa²su¹tē³jah¹lo²su² wxā³te²jai¹ti²tu³wa². Wxā³sxā³ a²nū²a² yxo²ha³kxa¹ thâi³ti³la² a³lxi³nē³te²jai¹ti²tu³wa². Nxe³sxā³ wi¹li²nē³lain¹na³la². ⁵Nxe³ha²kxai³ wi¹lo²la³kxi²ki³ju³ta² hxi²kan¹txi³ txa²wā¹ē¹na² sa²hau³ko³tū¹nhē³lxa³wa². Hāi¹sxā³ Txa²wā¹sū³na² sa²kxai³lu² wi¹lhin¹sxā³ thâi³ti³la² sa²hau³ko³tē³lha²kxai³ txa²wā¹ē¹na² sa²hau³ko³tū¹nhē³na³la². Nxe³sxā³

ko³nxe³ti³ kãi³ki³ju³ta² hxa³kxi²nẽ³lha²kxai³ Sũ³na² Yãu³ka³txi³su² hi²sen³-
 su² txa²wã¹ẽ¹nãu³ai²na² tah²lxi³ti³hi¹tẽ³lha²kxai³ nxe³lain¹na³la². Nxe³ha²kxai³
 ko³nxe³ti³ kãi³ki³te²ju³hẽ³la². Jã¹nxe³ki³sxa³wa². 6 Je³su² Kris²tu³jah¹la² txa²wã¹-
 ẽ¹nãu³ai²na² sa²wa²su¹tha²kxai³ Txa²wã¹sũ³na² Yãu³ka³jxah¹la² wi¹khaix¹jah¹la²
 wi¹lhix¹sã³ ã³hũ¹nẽ³lain¹te²jai¹ti²tu³wa². 7 Nxe³ha²kxai³ Txa²wã¹sũ³na² hi²sen³su²
 thã³ti³la² a³lxi²nẽ³lha²kxai³ wi¹lhix¹ti³hi¹tẽ³na³la². Nxe³nẽ³lha²kxai³ Txa²wã¹-
 sũ³na² a²ki³lha³lhxu² ti³hi¹tẽ³na²hẽ³la². Nxe³nẽ³lha²kxai³ kan²txi³ a²ka³ten³su²
 yxau³ki³ju³ta²nũ³a² ã³ye³wã³tẽ³lha²kxai³ ya³nã³ta³ki²la²sã³ wah³nxe³ki³tu¹wa².
 8 Jã¹nxe³jut³su² ya²la³lyau³xai²la¹wa². Wxa²nũ³ka³txa² wxi²kan¹sã³ĩ³yau¹ũ¹txai¹-
 nhẽ³la². Nxĩn¹kxai²nãn²tũ³ Txa²wã¹sũ³na² wãn³txa² yxo²ĩ²ain¹te²a² yxo²ha³kxa¹
 wain³txi² o²la³kxain¹tu¹wa². Ju¹taĩ²li² wi¹na³la². A²nxe³ju³taĩ²li² a²nũ²a² yxo²ha³kxa¹
 wi¹kãĩ³ain¹kxai²nãn²tũ³ wi¹li² ĩ³nxũ¹kwai³lxũ¹ni² nxain¹tu¹wa². 9 Yxãn¹ta¹ wãn³-
 txa² wa³lxe³jau³xa² hxi²kan¹ti³ ã³ne³wxe²nxa³jau³xa² kwa²ĩ³ye³ki²nyhu¹txa³hẽ³la².
 Wxa²wi³nu²nãu³xu¹taĩ²na² he¹ta¹hxai²hẽ³la². Jau³xai²na² ya²la³tu³txa³kxai²nãn²tũ³
 hãĩ¹nxã¹txa³hẽ³la². Wãn³txai²li² Moi³se²ah³lu¹taĩ²na² ã³wha²li¹jau³xai²tã²ĩ³ye³li³-
 sxã³ĩ³nu²kah¹lxi³txa³hẽ³la². Kwa² to³toh³lxi³ju³taĩ²la¹wa². 10 A²nũ²a² wxa²nũ³ka³txa²
 kwa²ĩ³ha³te²ta³lxi³tain¹te²a² ye³ha¹lo³txa³lxi³sã³ĩ³kwai³kxi¹txai¹nhẽ³la².
 Nxe³ka³tu³ ã³sã³ ã³waix³txai¹nhẽ³la². 11 A²nxe³jah¹la² a²ko³nxe³ju³ta² kãĩ²-
 nha²kxai³ ko³nxe³ti³ kãĩ³ju³ta² so¹lxi³ ten³na³la². A²kãĩ³kxi³ju³khai³xa² ko³nxe³ti³
 ĩ³yĩ¹li²nha²hĩ³nx2na³la².

Pau²lah³lai²na² wãn³txa² ĩ³tih³nxe³jau³xa² a²ne³kxi³san¹jau³su²

12 Jã¹nxa¹jut³su² Ar²te³ma³jah¹la² Ti²ki³ko³jah¹la² nxe³sã³ĩ³sa²si¹hã³ai¹na¹tu¹-
 wa². Nxai¹na¹kxai²nãn²tũ³ Ni³ko³po³li³thĩ³na² wxã³sã³ nxe³kxauh²xi²sah¹lxi³hẽ³la².
 Nxe³thĩ³na² kwẽ³kon³kxi²na¹tu¹wa². 13 Se³na²sah³la² ha³teh³nxã³nxa² a²hoh³lxi³su²
 jah¹la² A³po²lah³la² nxe³ya³sã³ a³li³te³lhã³ ain¹ta¹hẽ³la². Nxai¹nha²kxai³ yain³txa²
 sa²so¹ain¹kxe³nũ³a² ãu¹la³kxi¹txai¹nhẽ³la². 14 Te²yã¹nxe³sã³ txa²wã¹nũ³ka³txa² ĩ³-
 tih³nxe³txai¹nhẽ³la². A²nũ²a² yen³ki³txa²kxai²nãn²tũ³ ã³non²ta³kxi¹si¹hai¹nĩn¹jau³su²
 ĩ³tih³nxe³txai¹nhẽ³la². Ain¹kxai²nãn²tũ³ a²wa³ka³li³yu³ta² wi¹kãĩ³ain¹kxai²nãn²tũ³
 ũ³yho³hi²txã³nxa² yũ³tu¹wa².

15 Jã¹nxe³jut³su² txa²nũ³ka³txa² yxau³ya³sain¹tũ³ka³txa² a²ha³ta³-
 nxa² ĩ³sa²si¹hã³si¹na¹wa². Nxe³na¹jau³su² yxo²ĩ²tũ³ka³txa² a³lxi²sain¹te²a²
 yxo²ha³kxa¹ jã¹nxa¹jau³su² ĩ³hen³txi³txai¹nhẽ³la². Jã¹nxe³jut³su² Txa²wã¹-
 sũ³nu²kxai³lu² kãĩn² thãĩ³ti³la² a³lxi¹nxa²lxi³ju³ta² ten³sa³nha²wa². Txai²li²
 Pau²lah³lo²na¹xai²na² ta³lun²ye¹nx2ta¹wa².